



Broj: 02-05-8020-1/11
Sarajevo, 24.03.2011. godine

Na osnovu čl. 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj: 24/03 – Prečišćeni tekst), Vlada Kantona Sarajevo, na **10.** sjednici održanoj **24.03.2011.** godine, donijela je sljedeći

Z A K L J U Č A K

1. Utvrđuje se Prijedlog zakona o izmjenama Zakona o javnom okupljanju.
2. Predlaže se Skupštini Kantona Sarajevo da, u skladu sa članom 152. Poslovnika Skupštine Kantona Sarajevo ("Službene novine Kantona Sarajevo", broj: 25/10 – Prečišćeni tekst), doneše zakon iz tačke 1. ovog Zaključka po skraćenom postupku.

P R E M I J E R

Fikret Musić

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo unutrašnjih poslova
5. Evidencija
6. Arhiva



web: <http://vlada.ks.gov.ba>
e-mail: premijer@ks.gov.ba;
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1



PRIJEDLOG

Na osnovu člana 18. stav (1) tačka b) Ustava Kantona Sarajevo (“ Službene novine Kantona Sarajevo “, broj: 1/96, 2/96, 3/96, 16/97, 14/00, 4/01 i 28/04), Skupština Kantona Sarajevo, na sjednici održanoj :_____ , donijela je

ZAKON
O IZMJENAMA ZAKONA O JAVNOM OKUPLJANJU

Član 1.

U Zakonu o javnom okupljanju (“ Službene novine Kantona Sarajevo “, broj: 32/09), u članu 30. stav (1) riječi: “ izvan svoje redovne djelatnosti “ , se brišu, a iza riječi “ mira “, dodaje se tačka.

Član 2.

U članu 33. stav (1) riječi : “ van redovnog vršenja policijskih poslova “, se brišu, a iza riječi “ osiguranja “, dodaje se tačka.

Član 3.

Ovaj Zakon stupa na snagu narednog dana od dana objavljivanja u “ Službenim novinama Kantona Sarajevo “.

Broj:_____
Sarajevo _____. ____ 2011. godine

PREDSJEDAVAJUĆA
SKUPŠTINE KANTONA SARAJEVO
Prof. Dr. Mirjana Malić

O B R A Z L O Ž E N J E

Pravni osnov

Pravni osnov za donošenje ovog zakona sadržan je u odredbama člana 18. stav 1. tačka b) Ustava Kantona Sarajevo, kojim je utvrđena zakonodavna funkcija Skupštine Kantona.

Razlozi donošenja

Izmjene Zakona o javnom okupljanju (“Službene novine Kantona Sarajevo”, br. 32/09), predložene su radi naknadno uočenih tehničkih grešaka u odredbama člana 30. stav (1) pomenutog zakona, a koje se odnose na troškove za dodatne mjere osiguranja. Naime, svi poslovi koje nadležni policijski organ vrši u svrhu osiguranja javnog reda i mira spadaju u kategoriju osnovne djelatnosti policijskog organa, a ne kako je navedeno “izvan svoje redovne djelatnosti”. Troškove koji nastaju, organizatori javne priredbe, sportske, kulturne ili zabavne prirode, dužni su snositi isključivo zbog dodatnih mjera osiguranja, a ne zbog aktivnosti policijskog organa izvan svoje redovne djelatnosti. Takoder, izmjene odredaba člana 33. stav (1), predložene su iz razloga što policijski organ ne može obavljati nikakve poslove van redovnog vršenja policijskih poslova.

Prijedlog da se Zakon doneše u skraćenom postupku proizilazi iz činjenice da je na osnovu člana 30. Zakona o javnom okupljanju donesen Pravilnik o vrsti, cijeni i načinu plaćanja usluga dodatnog angažovanja policijskih službenika i drugih usluga, koje Uprava policije Ministarstva unutrašnjih poslova Kantona Sarajevo pruža u svrhu osiguranja javnih skupova izvan svoje redovne djelatnosti (“Službene novine Kantona Sarajevo”, broj 9/10), te da nije u pitanju složen i obiman zakon.

Potrebna finansijska sredstva

Za provođenje ovog Zakona nisu potrebna dodatna finansijska sredstva iz proračuna Budžeta Kantona Sarajevo.